

Ditari Natyres

"Ky botim është bërë i mundur nga një grant i REC Shqipëri në kuadër të programit SENIOR-A
"Mbështetje për Organizatat Mjedisore të Shoqërisë Civile në Shqipëri". Ky program është financuar nga Qeveria Suedeze"
Nr. 21 Viti i tretë i botimit Shkurt 2015

Në këtë numër do të gjeni:

- Zhvillohet Trainimi i Parë për Zhvillimin e Turizmit të Qëndrueshëm
- Elbasani, qyteti i dijes i thotë JO Duhanit
- INCA prezanton Planin e Menaxhimit të ZMD Karaburun-Sazan
- Zona e Mbrojtur Detare Porto Palermo
- Njoftime


55 vjet më parë...!

Me këtë rast Ju kujtojmë:

Ekonomia pyjore e Dajtit, në rrethin e Tiranës, me sipërfaqe 3,028.7 ha, u shpall "Park Kombëtar", me vendim të Këshillit të Ministrave nr.93, datë 16.02.1960. Njëherazi përfaqëson edhe Parkun e parë Kombëtar të Shqipërisë.

Në kuadër të studimit për krijimin e Rrjetit të Parqeve Kombëtare të Shqipërisë, me vendim të Këshillit të Ministrave nr.96, datë 21.11.1966, sipërfaqja e Parkut Kombëtar të Dajtit u zgjeruar me 3,300.0 ha.

Më pas, bazuar në dispozitat e Ligjit nr.8906, datë 06.06.2002, "Për Zonat e Mbrojtura", të ndryshuar, ekosistemi natyror Mali i Dajtit",



me sipërfaqe 29,216.9 ha, i shtrirë në Qarkun e Tiranës dhe të Durrësit, me VKM nr.402, datë 21.06.2006, u rishpall "Park Kombëtar". Brenda kësaj sipërfaqe u përfshi dhe Rezervati Natyror i Menaxhuar (ish rezervati i gjuetisë) "Qafë Mollë-Derje" me sipërfaqe 3,458.0 ha, miratuar me rregulloren e Ministrisë së Bujqësisë nr.1, datë 27.07.1977. Administata e Zonave të Mbrojtura dhe Parkut Kombëtar, ka detyrë dhe duhet të jetë e kujdesshme që të evidentoj dhe të marri masa për kremtimin me dinjitet të këtyre datave historike, duke hapur një faqetë re në punën e tyre, për njohjen dhe promovimin e Zonave të Mbrojtura.

Organizatat partnere të Rrjetit për Mbrojtjen e Natyrës



SHOQATA MJEDISORE DALLI
Bashkëjeto me natyrën



QENDRA RAJONALE E MJEDISIT
Shqipëri



Mbështetje për Organizatat Mjedisore
të Shoqërisë Civile në Shqipëri



Zhvillohet Trainimi i Parë për Zhvillimin e Turizmit të Qëndrueshëm

Vlorë 22-23 Janar 2015 - U zhvillua në qytetin e Vlorës trainimi i Parë për Zhvillimin e Turizmit të



Qëndrueshëm në kuadër të projektit “Aktivitete të qëndrueshme ekonomike në Zonat e Mbrojtura Detare të Mesdheut – Komponenti për Shqipërinë”. Në trainim morën pjesë përfaqësues të Ministrisë së Turizmit, Agjencisë Kombëtare të Turizmit, të këshillit të Qarkut Vlorë, përfaqësues të Bashkive të Vlorës dhe Orikumit, profesorë dhe studentë të Universitetit “Ismail Qemali” të Vlorës, përfaqësues të shoqërisë civile etj.

Takimi pati si qëllim të informonte dhe të trainonte pjesëmarrësit mbi praktikën më të mirë të zhvillimit të turizmit në nivel ndërkombëtar, zhvillimin e

turizmit në Mesdhe, impaktin e tij dhe nevojën për zhvillimin e turizmit të qëndrueshëm. Trainues ndërkombëtarë informuan dhe ndanë eksperiencat e tyre nga Gjermania dhe Kroacia.

Gjatë dy ditëve të trainimit të pranishmit u njohën edhe me projektin “Aktivitete të qëndrueshme ekonomike në Zonat e Mbrojtura Detare të Mesdheut – Komponenti për Shqipërinë”, shtetet pjesëmarrëse, zonat e zbatimit të tij, aktorët pjesëmarrës, projekti në Shqipëri, studimet e realizuara si dhe situatën e turizmit në Shqipëri. Gjithashtu ata patën mundësinë të njohin Planin e Menaxhimit të Zonës së



Mbrojtur Detare Karaburun-Sazan si dhe Aktivitetet Turistike aktuale në Shqipëri.

Elbasani, qyteti i Dijes i thotë JO Duhanit

Elbasan 24 Janar 2015 — “Masat e forta për duhanin kanë dhënë rezultate”- është shprehur nga qyteti i Elbasanit Ministri i Shëndetësisë, z. Ilir Beqaj, duke i'u bashkuar grupit nismëtar të shoqërisë civile, deputetëve të këtij Qarku, autoriteteve të qeverisjes vendore dhe nxënësve të shkollave 9-vjeçare e gjimnazeve të Elbasanit në aktivitetet ndërgjegjëse të organizuara në kuadrin e nismës “Shqipëria Jo Duhanit!”.

Aktiviteti, i cili pritet të rrugëtojë në të gjithë vendin, pas atyre të organizuara në qytetet e Tiranës, Korçës, Beratit dhe Vlorës, synon rritjen e

Vijon në faqe 3





Vijon nga faqe 2

shkallës së ndërgjegjësimit të opinionit publik për zbatimin e ndryshimeve që kanë hyrë rishtazi në fuqi në Ligjin për Mbrojtjen e Shëndetit nga produktet e Duhanit, duke përcjellë mesazhin e një jete të shëndetshme pa duhan.

Në fjalën e marrë me këtë rast ministri i Shëndetësisë Ilir Beqaj ftoi qytetarët e Elbasanit dhe gjithë Shqipërisë që të mbështesin aktivisht këtë nismë të shoqërisë civile, të mbështesin ligjin anti-duhan pasi,



duhanpirja mbetet burim sëmundjesh të rënda dhe përkeqëson cilësinë e jetës në komunitet.

Gjithashtu, folësit e tjerë në takim dhe kreu i bashkisë së Elbasanit, z. Qazim Sejдини, i ftuan qytetarët dhe pronarët e lokaleve, të ndërgjegjësohen dhe të ndalojnë pirjen e duhanit në ambiente publike, pasi sipas tyre, ky sensibilizim është në të mirë të ruajtjes dhe përmirësimit të cilësisë së jetës së komunitetit.




INCA prezanton Planin e Menaxhimit të ZMD Karaburun-Sazan

Vlorë 27 Janar 2015 - Instituti për Ruajtjen e Natyrës në Shqipëri prezantoi Planin Final të Menaxhimit të Zonës së Mbrojtur Detare Karaburun-Sazan. Në takim merrnin pjesë anëtarët e Komitetit të Menaxhimit të ZMD Karaburun-Sazan, përfaqësues të Ministrisë së Mjedisit, UNDP, Këshillit të Qarkut Vlorë, Bashkisë Orikum, OJF dhe aktore të tjerë lokal të interesuar për procesin. Plani i Menaxhimit të ZMD Karaburun-Sazan ka kaluar nëpërmjet një procesi të gjatë konsultimesh me aktorët e interesuar dhe publikun. Varianti final, i cili u aprovua nga Komiteti i Menaxhimit të ZMD Karaburun-Sazan, nëpërmjet UNDP do ti paraqitet Ministrisë së Mjedisit për të vazhduar proceduarat për aprovimin final të tij.



Zona e Mbrojtur Detare Porto Palermo

Himarë 30 Janar 2015 — Në kuadër të projektit IPA Adriatic CBC EcoSea, Ministria e Mjedisit zhvilloi takimi i rrahës në Himarë me pjesëmarrjen e grupeve të interesit. Gjatë këtij takimi dhe në bashkëpunim me Ministrinë e Mjedisit, INCA prezantoi procesin e studimit dhe shpalljes së zonës së Porto Palermos si Zonë e Mbrojtur Detare Bregdetare si dhe draft Planin e Menaxhimit të zonës që do të propozohet për tu miratuar nga institucionet vendimmarrëse përkatëse. Në takim merrnin pjesë përfaqësues të Ministrisë së Mjedisit, Bashkisë Himarë dhe komunave përreth, shoqata e peshkatarë, banorë të zonës, përfaqësues të shoqërisë civile etj.



NJOFTIME

1– Vacancy announcement

Project Officer, Protected Areas

Programme Office for South Eastern Europe, International Union for Conservation of Nature (IUCN)
Belgrade, Serbia

<https://hrms.iucn.org/iresy/index.cfm?event=vac.show&vacId=979>

Communications Officer

Programme Office for South Eastern Europe, International Union for Conservation of Nature (IUCN)
Belgrade, Serbia

<https://hrms.iucn.org/iresy/index.cfm?event=vac.show&vacId=980>

Closing date for both vacancies is **6 February 2015**

Udhëzime për të kontribuar në Ditarin e Natyrës

- Rrjeti i Organizatave për Mbrojtjen e Natyrës mirëpret artikuj të ndryshëm të cilët ju dëshironi ti publikoni në ditarin e saj elektronik. Artikujt duhet të jenë jo më shumë se 150 - 200 fjalë. Ju lutemi të merrni në konsideratë këtë kërkesë, pasi interesi për të shpërndarë artikuj, lajme apo njoftime të ndryshme përmes ditarit, mund të jetë i konsiderueshëm dhe ne do të përpiqemi për të siguruar hapësirë për të gjithë ju që dëshironi të kontribuoni. Redaksia mban të drejtën për të shkurtuar apo modifikuar (jo tjetërsuar) tekstin nëse do të jetë e nevojshme.

Ju lutemi dërgoni një foto shoqëruese për artikullin tuaj dhe / ose web - link për referencë të mëtejshme.

Faleminderit për marrjen në konsideratë të këtyre udhëzimeve!

- Ky botim u mundësua nga një grant i dhënë nga Qendra Rajonale e Mjedisit (REC) Shqipëri përmes programit SENiOR-A. Ky publikim paraqet pikëpamjet e autorit/autorëve mbi këtë temë. Këto pikëpamje nuk janë adoptuar apo aprovuar nga REC Shqipëri dhe nuk duhet të shihen si qëndrime të tij apo të Ambasadës Suedeze në Shqipëri. REC Shqipëri nuk garanton saktësinë e të dhënave të këtij publikimi e nuk mban përgjegjësi për përdorimin e tij.

Botim i Rrjetit të Organizatave për Mbrojtjen e Natyrës
Redaksia: Ilirjan Qirjazi; Genti Kromidha; Vilma Kadiu; Marinela Mitro

Rr. Islam Alla, Pall IVEA, Kati I, Tiranë; Tel/Fax: + 355 4 2231 437
www.inca-al.org; info@inca-al.org; www.facebook.com/inca.albania